





介公正氣堂集卷五

樂府

海鷲行三章



天曉：鬼斧刻衆星落巉巖。一星突兀不肯服。旁行匿行作天眼。

呼春：不回霜雪盈我鬢。舊時相識人倏忽。變蜉蝣。虺高岡有鳥字曰

鳳海鷲海鷲與爾歸去來

精衛填東海中心豈不苦。精衛飛來復飛去。滄海知爾心。勸爾此行

惜毛羽

四言

壽吳伯寅七旬初度二章



洩雲在巔納氣於麓曜靈孕光咸池斯浴天地迴環以守靈璞矧伊
人斯而弗似續棄爾晝曦寶之夜燭荒爾玉庭構其雲屋啖松柏脂
求神仙籙公聞大笑朝菌晦朔公之先人飛翔鸞鷲公之子姓森挺
蘭玉公之腹笥經史旁薄辭豐弗居施欲最足公乃泰然與心休沐
紀曆維山獻花維鹿

匪直也名理至則形公於處世不離其生公於待物不竭其情為鄉
三老為國五更寤神者辱積精斯榮內意為將外身為城將嚴令一
城其焉傾真心叩：如聞天聲勅公大年與福為兄古之至人崆峒
廣成得是道也且為前旌

勗柴集勳嗣君式穀二章

我行其野維黍油：穎粟載咏既有其秋弗耘弗耔以遊以遊維草
斯竊伊禽之羞人謀弗減天則曷仇
我瞻於山有木離：水土沃澤雨露潤滋既大乃幹亦豐而枝不搖
不琢斯植斯棟梁之望庶其企而

厲志

嗟余不造與窮為宅衣結修容履穿視迹見富貴人朱門赫奕偃僂
循墻乃徐有適幸賴長者時相誦誦胡勿跂予奮迅六翮胡甘卑棲
自使局脊予謂之然厲心芸籍今也皇哉得被康澤祖德所貽寧忍
遽擲顧予寡昧終鮮扶掖識疲照遠神垂應劇何以委蛇無玷宗祏
何以亢直母負廉潔喟然言志庶竦愚魄

五言古

咏史十三首并序

上古之世詩即爲史及詩亡春秋作而詩史遂判二流矣史以謹嚴立體詩以婉曲樹義然於以發揚往烈扶助幽美激勸後人風厲來者其道一也余不敏而爲吏偶以暇日讀史有得聊綴微旨遂成歌詠或疑當今十室九空憂方不測長吏不先人急而用微文自娛焉適於治不知古之爲詩者采輯風謠獻之天子以知其民俗之貞淫好惡而其長吏政治之得失繁簡又可知也隔濶十載斯事遂廢毋怪乎以詩爲騷人墨客之孤徑矣昔七子賦詩皆取裁前旨用抒心寄然其人之善敗與其受之吉凶皆卒驗焉予既無以發明詩史式訓末俗徒以考鏡得失之意托於七子言詩之志庶山鼠林猿聞其聲者可以知所感矣

茂陵有長者文學雄海隅初辭鄧氏命終上廣成模後隊列歌舞前堂授生徒入座草詔書刎喉惜攄圖榮華曾有盡名節委泥塗一念不慎旃萬古爲悲夫

外戚傾漢祚舉朝若聾聵盡爲子孫謀恐觸王氏怒帝之親信臣造第通肺腑一言而喪邦誤國由宰輔朱雲發狂憤借劍誅逆虜斧鉞拜聖恩龍逢遊下土折檻旌直臣何不殺張禹

買臣方貧賤負薪常苦饑行吟過道中其妻恥相依不學鴻鵠貞哉

翼雙飛：遨遊洛陽道奏對吐珠璣拜為會稽守四牡行駢：騶騎
前呼來左右生光輝故妻止道傍含淚徒嗟歎感君山間意後乘載
與歸

曼倩事武帝持論多不根玄宗柱下史放學淳于髡豈為長安米來
遊金馬門辟戟止淫會裁書阻遊園惠文今寂寞俳優直道存古來
尚諷諫神仙何足論

昔有嵇中散含真味道腴玩世同芻狗遺形等敝繻自然龍鳳質故
作山澤癯洗沐愁有待鍛鍊不為叻求仙止得癖養生適喪軀援琴
顧日影悲風起城隅丹林舊遊處曾葬廣陵無

三國事爭戰群策定雄雌武侯卧隆中淡然無所為先主一枉駕許

身事驅馳遂建三分業不出隆中期涕泣再上表祁山六出師功業

雖不成天下皆壯之寂寥千載後茫：漢水悲

天子好文學長卿賦上林天子好封禪長卿有遺音臨死更何求不
獻規與箴試讀封禪書何如白首吟

晉武既云逝禍亂生中閨朝政繇賈氏玉座委癡兒有位思鱸膾饑
民食肉糜君臣盡如此天意那可為會見塵埃裏洛陽銅狄悲

清泉何瀟：白石何齒：人跡所不到中以藏處士昔者嚴子陵披
裘入齊市漢武徵故人坦腹同卧起今夕慰平生明朝勞太史客星
豈又居翩然辭帝子遂歸富春山垂釣從此始

始皇陵下石孤鬼為穴窟昔年事穿治辛苦驪山卒樹草象山川治

金爲宮闕豈料牧豎焚火隨咸陽發南山未云固何勞奉枯骨
火盛蛾之招翩然來相期隱侯博學子仕齊官不早貪立定策功垂
老甘爲之足躡尚書履寧懷家令時流涕覆卮酒俯席慙妓師此業
已滔天千劫不可糜稽首白上聖赤章將誰欺君子慎名節無勞仗
佛慈

越國有好女浣紗溪水頭一自進吳國粉黛難與儔初從馳馬埒終
上採蓮舟臣自波濤泣君忘麋鹿遊夫差輕社稷于妾亦何尤
君王自茲去銅雀何崔嵬雄心圖篡漢白日忽西摧欲將未了緣續
向銅雀臺朔望奏伎樂蕙帳誰爲開若令壯心在魂魄應歸來

舟行十九首并序

十九首者偶然而十九首耳意有所感：盡則止以十九首終
焉故名之曰十九首也時維舟矣塵慮迸清虛生覺水石禽魚
盡供片晌受用又如夢覺之人方見鬼王獄卒猙獰萬狀中心
悸：如欲狂又一境焉天日清空林木暢茂滌茶鐺以煮茗拂
素几而談玄雖等夢乎然而以爲樂矣詩中多序胸中菀積或
時多孤憤語非世俗所宜也然余不敢以告夢中人而私以俟
諸醒者若乃先喆徽音後人所則謙讓不遑如聞諱忌而名篇
之義偶符於古是則余罪也夫

昔日登高處今朝問渡時茅屋數間在綠楊兩地垂行人各有意不
知忙爲誰去：莫復問行：心自悲

越王行樂處臺榭非當時明心照空樓寒鷓鳴故枝往事誠可傷未
知來者誰盛衰與消息天道有常期安知百世後不仍臺與池前後
總不見嘆息徒爾爲

舟中何所見新苗長油：農夫勤耕穫乃亦自有秋豚蹄向天祝勿
生蝗與蝨縣官徵糧急勿得具乾餼稽首更祝天詔書下九州明年
減租稅寢食恒無憂

飛蟲問天地我命在何時扶搖出污淖敢與雲霄期忽然投羅網羽
翼不自持顧瞻華堂內芬芳盈羅帷衆夫欣有託我獨爲孤羈微聞
相慰勞聲嚮細如絲天恩終浩蕩胡不救汝爲願得歸去來延頸望
慈悲

苟眷憂命促胡不學神仙神仙在雲闕有時居市廛終知四大假胡
爲徒憂煎肝臂不自我蟲鼠聽於天解脫形象外山林在目前太華
三百丈可以遊其巔滄海三萬頃可以飲其泉衆緣不敢犯泰宇靜
以玄歸來復歸來逍遙以永年

天地語飛蟲疎翼前聽詞蟻城尚羽獵人馬紛驅馳異蜂被五采猶
以鸞鳳欺汝於諸類中算數所不貲飄風吹汝來得窺君玉墀即投
羅網內不謂今無時苦樂朝暮間問天將奚爲但戒後來者出門慎
所之

問此扁舟內胡然而有我明月滿前洲林間笑聲瑤獨有失路人愁
雲橫窓鎖明日問舟子此處阿誰坐我識縹緲峯未知峯幾朵欲乘

風便去足下其許可

扁舟對我言予行不遇時昨日貴遊子泛舟挾麗姬臨風一搦管斗
酒百篇詩文史供宥佚山川窮指麾不意載達官戚：靡所施予舟
厭酒肉恐見山霧唾行當送君返別尋輕薄兒

有鳥群飛：飛：集何處不羨畫棟梁不羨玉堂署試看呢喃燕含
泥下沮洳雖得主人憐還將弱雛去春秋能幾時離別一何遽相期
歸舊棲毋勞弋人慮一枝巢鷓鴣風雨亦見恕歸哉以歸哉莫爲情
猶豫

河水清且漣舟行如鏡裡推窓看洲峙挽流滌其齒芳草綠前汀沙
禽戲水溪吾欲垂釣竿釣此尺半鯉但恐從吏來不得長如此

浮雲東南來悠揚若飛絮又如學道人靜寂了無慮忽遇疾風起羣
小相攢據日月無光輝中坐失七箸須臾旋解散歸向岫中去吾欲
鑿石根看此雲生處

皇天分四時春秋曰代序春何不名寒秋何不名暑乃知調劑功專
在無名處如何入仕途皎：判爾汝將金買璞歸未識玉與鼠况乃
盛名下造物亦不許貧名亦是貧豈必錢與楮庭空鶴自眠夜半藥
還煮相期友玄同上與雲霞侶

詣闕爭上書抵掌語不休遇合各有命何必曲如鈎東方亦待詔未
若田千秋一言便悟主拜爲富平侯歌呼傳道來軍吏擁行駟道旁
嘆嘖：驚怪問所繇歸來教子弟勿復事書囚

呼口與心語我今與汝謀如何見簿書便有萬斛愁如何當跪拜仰
面慙且羞枕書夢羲皇散髮懷山邱此意良甚樂不以易公侯妻兒
勸作吏作吏盈田疇親友勸作吏行與鸞鳳儔長老色斯怒胡爲耽
優游不念耕田苦唯思海上鷗東家作吏歸翡翠滿高樓皆言作吏
好頭白不肯休汝今聞斯言竟識作吏否

心復與我語我非甘窮處年歲日以促道路修且阻豈必菊可食豈
必芝可茹三十未聞道頭顱已如許庶幾息物役來與靈荃侶鵬鳥
病長沙蘅蘭吊湘渚天地甚曠蕩奚爲獨延佇我願學太玄不辭隸
與園世迷莫復傾松風共耳語

舉世盡皮相誰知烏雌雄大雅不復作蛙聲賤黃鐘締綌自適用奈
此妻以風貴遂譽所集下流謗易叢仲尼雖布衣萬世以爲功顏子
居陋巷美於紉瓊宮牛馬棄人世鷄犬貴雲中人情自楚越物名無
一鴻楊雄猶執戟董賢且三公端策問詹尹我將何去從

朝遊闌闕中暮宿扁舟裏明燈雙熒熒四面歌吹起借問歌者誰云
是遊俠子聽之不能寐呼船使相倚冷澗諧宮商激變清徵聲音
入微妙天地寄一指萬慮澄心魂了然悟無始月光猶抱林星影下
矚水夜闌聽已足君其歸去矣

巢居能知風穴處能知雨豈繇二蟲慧得窺神靈府上帝弘慈悲意
智爲棟宇授以防患術下民莫予侮巧者或以敗拙者或以補日月
老騏驎天地籠鸚鵡銜美以自矜達觀所不取

春風鳴樹枝好鳥聲相呼清淺出素鯉晴空下雙鳧高人坐磐石
足懷康衢聲音能感人不以貴賤殊靈蠢各有託况此七尺軀登高
每狂叫非是悲窮途漆園寓言在鍾子將毋無寄聲任寥廓吾將安
歸乎

紅葉

九月秋氣深枝頭紅葉好愛此芳菲節入山恐不早芳菲未幾時搖
落夕陽道昔日姑蘇臺今日悲蔓草昔日金谷園明月照秋潦榮華
翻掌間誰將問蒼昊寵利不可居盛顏乃速槁兼嘆日及華紛然傷
懷抱

感懷

時節不假易秋風鳴前楹幽坐感物化見此百念驚我生本如寄胡
為勤遠征史冊混是非賢愚誰者明同歸一坏土墓木無枯榮縱令
壽百年不足了所營明知歲月短顛倒縛塵纓譬如病酒者云以酒
解醒遂令日日醉舉坐難獨醒渾沌鑿已破天地苦有情我欲屏思
慮浩然遊太清

比干心

天地正直氣棟此忠孝心精神藏幽室挺拔凌羣陰高者出雲漢卑
之隨飛沉刀鋸徒肆虐形象終難尋

王蠋頭

齊亡有義士乃在田野間頭顱扶故主血氣歸河山淡泊堅氣節富

貴增其頑誰知枯枝上萬古留生顏

睢陽齒

天道知安是人倫識所歸。一身扶大義百戰抵重圍。血濺山川恨聲聞將吏啼。試看齧齧上千古勒光輝。

霽雲指

南八何為爾倉皇走賀蘭。吾儕已無食爾輩敢偷安。忼慨斷吾指淋漓借客看。至今靴影上日落箭鋒寒。

子胥眼

浩氣還天地精光依斗辰。君心戀西子臣目懾東鄰。不向浮漚沒常隨繞電坤。繇知忠誠結孔竅全吾真。

彭澤腰

不愛五斗米何為。飢驅乞食適吾性。求祿鞅我軀。豈唯小挫折將有大譴誅。故曰全其天古之彭澤夫。

無題四首

携手陟崇岡。星辰懾吾掌。從此登天門。猶若枕蓆上。厲志歸玄闕。鍊神依仙黨。草木色紺碧。宮闕光鏗湯。麟鳳為我脯。鈞天為我饗。此地堪久居。勿作塵世想。寄語塵世人。榮華等草莽。毋待年歲晏。撫鏡徒怳恍。

携手陟崇岡。浮雲屢迴薄。少坐須臾間。下觀萬物廓。得意自道爾。風吹捲寒籜。禹稷何所憂。孔顏何所樂。乃知學道者。境界皆假託。悟彼

輪扁言丹經亦糟粕、勿如淮南王寡人戀榮、魄謫居守、廁宮長爲後世嘯。

携手陟崇岡、秋聲戰金鐵、日月能幾何、形骸久而茶、昔聞倉庚鳴、又聽子規舌、昔嘆河水枯、又悲井火滅、盛衰天地中、自爲寒暑節、云胡得勢人、視人如螻蟻、豈知碌碌死名位、不可緹公然、七尺軀、特爲蝼蟻、設塞鴈鳴秋、霜風悲浙、願學陶隱君、白雲自怡悅。

携手陟高岡、不知心所謂、忽憶混沌初、孕旃胡太費、柔佞種夙根、予今逐波沸、何不剪其條、快觀磊落氣、上世容狂直、中古多忌諱、遂令暗韋態、浸淫入腸胃、荃蘭被幽繫、蕭艾爭臭味、觸邪競隱屏、指佞夷凡卉、稽首謁上公、太乙者最貴、虎豹方當闕、蒼蒼知耶未。

鏡語

我有一寶鏡、拂拭無纖塵、雕鏤成鳳采、凝識如有神、寶之不敢試、留以待美人、美人理素粧、皓手宛如銀、歛愁鎖、遠黛擬、笑生陽春、忽然美人去、無端懷怨嗔、我欲問明鏡、體中胡有人、向者我所見、爲假復爲真、鏡言本非有、者是真、因鏡言本非無、者有之、隣有無、有間於此、悟主賓、懷鏡不敢照、妙理空中陳。

月規

當軒一輪月、湛若秋水光、散萬山頭、魄沈萬川裏、草木攝其英、魚龍吞其瀨、自以私所欲、各謂去天咫、豈知太虛中、終古無偏倚、世人競目論、意見紛相儼、廣寒夜自涼、蟾蜍靈不死、遂於清虛體、橫爾生。

瘠痕蒼天猶不免况乃好修子提心濯冰壺內景亦如此勿作明月
觀水天同一視

初春與王水功 玉書 陸周明 宇焜 同登城南慶雲樓

春早寄寒枝日媚生羣動草木本無知暄涼勞迎送莫羨世如春早
悟身是夢鸞鳳亦有黨蒞蘭自成詒谷風予與汝息壤盟未凍結袂
窮高巔縱步犯枯荊指畫形勝處排天構雲棟矗：山川環鱗：瓦
脊共千里若比隣百嶽遙作供持論唾金蛇寄想懷玉煉好音來覲
晚餘暉競摩弄風塵天外來長安白日擁是處即冰山誰人守鐵甕
願貞金石心吾道歲寒重

鏡卜

懷鏡出門去人跡斷蓬徑迤邐入城市秉心各喧競世亂飢饉多貧
兒常卧病既憂盜賊紛新添豺虎橫以茲早杜門風雨泣空甌小家
廢晨夕大家罷歡慶婦姑相教宰村巷少遊詠其餘勇健兒瞋目語
時政風鶴西北驚歡然輕性命細人慳嘉語掩面不忍聽安得好音
來入耳作休證懷鏡重儻回憂心徒恹：

陳默公以異孝致甘露祥烏之瑞客有徵詩為賀聊賦短章

昊天降百靈皮毛皆假借紛綸方寸中忠孝之窟宅其化為文章或
凝作金石悲彼末世人邈：度阡陌容頭過於身辜負鬚髯戟聲名
翼四方交遊盛履烏門闥羅光輝池臺闢芳澤一逢國步艱翩然而
作客豈知朝露零梟鳥啼墓棘碌：泉下人含羞掩七尺默然獨反

而領袖作方伯丹府幾荒蕪公乎自芟闢秉孝作忠基寶抱勿與易
如彼富家兒屈戍鎖金帛公之先大人聞命事征驛蕭索庭樹摧冷
落湖影隻公聞雨如泣捐生覓枯魄時當狼烟警咫尺千里隔市聞
虎豹嗥晝見鼯鼯跡寢處鋒刃中安之若枕席抱樹王哀哀吹麈子
胥阨皇矣鑿茲誠嘉樹下靈液白鳥繞其閭飛鳴聲嘖：誰言天載
遂相去不以尺誰言羽族頑相依猶拊膈公方低徊思斯理疑格：
寶甕貯丹漿玉鳧集蘭液上古神怪書未足相刻畫余言公精誠血
淚漬巾幘乘風飄：墮著樹成紺碧安知亡者魂不化冲天翮幻作
蝴蝶飛逍遙歸宗祏是宜為歌詩千古光史冊吁嗟公數竒劍氣時
霸：世事如亂麻邊鄙競巾幘公心可結天世人胡莫：有日排洪

流善如巨靈擘

感恩詩

有鳥困蓬蘽飛鳴止坐隅其鳴哀以悲似訴衷區：野田無雁糧涸
水無奴魚羽翮不自主卒：為饑驅感君意氣重於此傲物軀沐以
蘭蒨湯蒙以珠玉襦非唯全我命且復憐其愚媿無雙環玉可以結
相慰秋風日以迫道路阻且紆常恐霜雪零不得少斯須飛鳴復飛
鳴後會將安知

與柴集勳話別

歲之庚辰秋選材於鄧林維時得子卷寶氣盈我襟筆墨載心光散
作庭樹陰驟若風雨至時作蛟龍吟秉燭讀數過遙：贈知心一見

驚道貌神宇霜以深此見不可見丹鳳翔高岑光彩煥陸離時發賀
世音願言解纓佩與子友瑟瑟琴豈期曠三載霜露來相侵我既喪二
親屢空突不黔遂以甲申杪撤：來至崑聞君亦喪母嘔血枯骨存
到股弗能救恚獨仇乾坤攝心叩覺王徹達生死根精誠隨風發飄
颺到九閻曰資大秉力來寧母氏魂見我話悲辛痛心各自捫予方
謀寔空愁病生煩寃君爲我經營慘澹坐不言須臾羽書至四座來
相援始知至性人舉事窮其源隱顯雖異域忠孝惟一門努力懷明
發威儀訓子孫終當資事父以此報至尊相期會有日惆悵勿復論

與徐民則論文

文章雖藝事國運之所轄憶昔全盛年名流相輩出其時豈乏才尺
寸固敢越真探圖書秘洗心藏於密辨理數心髮窮源見水骨出爲
股肱臣煌：載史筆不知何年哀程朱遂遭刑邪說浸人心中洲見
鞞藹釣弋史漢才曰以供俎實宰夫未燁新烹能失其節六經夫何
辜固執競截割幕府翻上功金紫且首掇以茲彌放恣搜捕無虛日
及其遭變更衣冠媿蓬萊讀書不明道嶽：空敞舌徐子起玉峯志
入聖賢室讀破萬卷書下筆笑綿絕揖氣於空濛迎神在渺忽筆精
蕩妖祲心光掃彗孛遂令文章國重焉見日月秋風發幽音天府登
英傑從此扶皇圖中興名第一

春行有感并序

余以上巳日自婺州起行時天寒甚余擁二爐少解余體固羸

忠介公文集 卷五
或者寒實甚走風雨道中見桃李散然綠翳無僅存者一春勝
事轉盼都空作客奄：思酬他日又不禁為桃李穿目也
天意夫如何風雨來今日是時方陽春其寒尚削骨桃李競徵召聯
翩鬪芳悅憔悴當斯時命也復何說我亦失路人停車三歎息坐看
濕花飛層榮委阡陌因便語落花臨風勿長憶花落歸復土人老同
為客割歡棄前榮弭節思後策明年還有春：風動顏色

正氣堂集卷五終

忠介公正氣堂集卷六

孤雲悲時也凡四章

時屬世亂蘭蕙失守託身崔嵬以孤自別

孤雲遠為客悠然感我思與霞添作彩映水澹相宜不遇風雷險安
知日月慈還當歸岫去前路蒼茫時

孤雲失羽翼纏綿起悲風明月不照地衆星浮蒼穹不恨已孤散所
憂天榮草甘心守寂寞捲跡還虛空

秋山衆妙歌孤雲慘其巔生意今方落幽居亦自妍我思巢許士乃
在揖讓年秋心不可化豈必感世緣

孤雲無意緒獨挂山之峯聖賢尚神化轍迹友蛇龍鳥道八千里關



山一萬重吾其奈何哉洗耳空門鐘

七言古

苦旱行

吁嗟赤龍戲鱗鬣照耀山澤光赫曦炎帝主治佐祝融導以絳節乘
朱旗紅雲團：幕四野焦枯若木扶桑枝羲和奉令不敢避血光四
射穿重圍青空摩盪雲不膩日車溢牽行遲：電光虛發玉女笑雷
聲失擊朱公椎雨師幽囚桎手足飛廉勃宰豎髮髭谿谷豁訝失氣
勢草木淡澱無威儀豈惟枯河泣魴鱣且將乾海走蛟螭冰夷逼迫
日削地呼我臣妾告玉墀丁玉反目喪其妃箕畢高枕溺厥司魁為
戎首吐火牙紫霓蛻：彌天垂盜弄帝權無處所請下尺一令治之

帝閭萬里若不聞紅裳紫焰翻騰麾四月不雨至七月農夫啜泣憂
此儂郡縣奔走並祈望剔髮剪爪為牲犧東海豈有孝婦冤漢庭且
奏弘羊欺濁醪已作金莖飲麥屑猶同玉饌炊人生至此困已極天
意未審將何為於今金風正司律佇看秋潦盈漉池驕陽傲倪不肯
讓蓐收畏禍徒猶夷吁嗟乎山無槎舟澤無鯤鰭人民逃死於山麓
鳥獸熾毛而灼肌曠蕩浩汗獨無偶高天蒼：豈不危

贈玄章小詩誤呂為李復作短歌解嘲

先生坦：來塵市蛟龍游戲烟波裏觀者不測其為神蒼松怪栢尋
嘗視出沒弱水三千丈騰蹕崑崙八萬里烹煉陰陽取其液驅走風
霆疾於駛公於靈秘無不窺獻酬羣心咸至理持此周流徧天下誓

心不度無情子愛公神駿持贈公戲染隄糜拂箋紙驚公紫氣猶在
關落筆題作猶龍氏自悔公祖純陽翁公於孫行當作耳公謂神仙
埋姓名呂李假設非恒指肅風呼雨歸蓬萊太清玉籍署爭履此人
酣醉直到今名者耳兮姓者李

與歸玄恭莊話別

君本上天之列仙偶然再摘來青蓮玉禾珠樹崑崙種移植玉峰山
之巔筆鋒鑿碎龍門石豪氣驅凌秋水篇家故太僕公之後君能接
武稱曾玄百家紛沍如重圍自君矢發城無堅有時縱飲酒數斗落
筆滿紙生雲烟四座觀者嘆竒絕君笑擲筆謂我此墨留千年有時
感憤忽狂叫淋漓寄慨乎幽燕或欲伏劍斬樓蘭下馬作頌銘燕然
胸中浩汗支天地賦性亢激懷鷹鷂寸管非有金鐵勢誅奸夷佞驅
無前丈夫三十不得意放歌金石聲聞我欲椎破渾沌氏張目笑
問今因綠鵬鷗有時翻屈折蠅蚊何事爭摩肩蒼天蒼天必有說與
君飲酒且留連

有犬行

有犬有犬殷毛色碧瞳雙炯四蹄疾主人錫以盤飧餘夜呼來守
門闥無何一旦賊闌入此犬逢迎舊相識投之一骨僕跳舞不念主
人恩愛切主人委謝囊匣空搖頭擺尾他人室禁犬繇來解吠堯
犬亦應知吠禁何期斯言今不然犬亦如人情義絕國家養士三百
年黃金費盡羅英傑一榜臚傳甲第開杏花叢裏鳴玉勒至於先帝

忠介公文集 卷六 三
尤愛才一言中雋非常錫庚辰特召對螭頭拔爾掖垣橫床側有君
如此何忍負一死豈足酬國極何圖令人不如古毒龍吐霧迷胃臆
豺狼當道不復問賄：微仇鬪鼠穴權門一顧百感生君恩萬千等
撒：大家誤國撒手散眼看君玉死社稷我恨手無尚方劍呼工冶
鑄六州鐵鑄就簇：芙蓉鋒殺盡天下負心賊猶恐此賊不勝誅劍
鋒有時遭屈折欲以純灰三百斛洗濯心腸光皎潔又恐生來點染
成純灰雖多洗不得徘徊無計只自值中夜血絲縷：織叫天叫天
重叫天願下疾雷狂風迅掃此輩須臾滅

漁家樂

綠水青山是我家有人把釣向天涯紫鱗釣出一何喜綠酒盛來不

用賒買酒歸家且高卧門前明月在蘆花

傲文文山六歌

我憶當年喪玉斗帝車失度東西走漁陽動地羯鼓吹京洛蒙塵花
石藪古來亡國痛以悲豈有明：若我后先帝不得正其終羣臣何
以辭厥咎而方予：拜偽廷白馬金鞍腰紫綬嗚呼一歌兮天絕紐
狂風散野萬木吼

我痛心兮不忍言京城馮：高似天王師奚啻稱十萬倉廩猶堪支
一年胡為格鬪只兩日干戈逼脅至尊前豺虎張口食人肉宮殿流
血污為川嗚呼再歌兮心如煎大地湯：生寒煙

我朝忠厚立國只三百年來聖天子吾王憂亂乃有今群工養賊至

於此賊徒轉號黑帝來妖言煽動蒼天死百姓愚耳信為然開門迎
賊紛不已嗚呼三歌兮憤恨起眼決皆兮口嚼齒
我思百姓雖愚魯胡為見賊歌且舞牧守縱橫恣吞噬猶如羔羊虎
字乳堂上一怒羣卒趨千家萬家泣於雨小民湯火無如何忍呼盜
賊為吾父嗚呼四歌兮歌聲苦願下天耳與天語

豈惟牧守競饕餮更有大者不敢說明珠璀璨羅光輝黃金布地等
一快以茲死黨滿要津國家大事盡捲舌草野之臣知有今猶恃天
子稱明哲嗚呼五歌兮歌轉咽風捲寒雲來淅
從來堅忍生志節心似寒冰面如鐵朝歌暮舞成底事骨脆不堪風
雨折一朝地慘天無光蜂聲豺語遊宮闕鬼斧白日鏡虛空片：墮

地化為血嗚呼六歌兮歌將闕佇望我后重來掃妖孽

五言律

武林見都試有感

高天厲兵馬數里列貔貅雖曰將軍令猶如婢子流秋風鳴畫戟野
火照危樓我有倚天劍為君落旄頭

秋思

夫婿又離別邊關音信稀無心裁錦字有夢向金微絕塞空吹笛寒
砧自擣衣月塵不學妾到處逐君飛

又雨四首

浮雲結空靄敢與白日爭竹暗瀟湘畫川疑剝啄聲月光涵水淡山

氣接雲平欲戰重陰退吾將厲甲兵

霏雨連朝夕莓苔傍舍生荷衣搖不定螢火濕還明滴歷中宵聽蒼
茫水國行陰晴自天意不敢怨鳩鳴

官舍晚無事虛堂涼吹生病中間吏隱雨後想農耕山樹籠烟密沙
禽掠浪平東歸憶思婦愁嘆鶴初鳴

春秋紀災異是月恒相并地轉蟾丸驗風高鷓羽輕樹枝垂蓋曲沙
渚嚙波平奉詔勤修省微臣負聖明

和友人感懷十首

興亡何代事生死百年中越鳥依鄉樹南琴寄土風與時分醉醒涉
世辯和同不媿山林士尊鱸亦有功

中原方寇盜饑饉又今年狐兔藏無穴蟲鼠樂有天世途終泱泱主
德自旬宣吾輩慙良策松蘿為拂牽

滿朝盡臣子何至嘆才難巾幗羞司馬圍棋媿謝安漢江白日暗蜀
道鬼燐寒主缺今安在吁嗟問真官

聖明方吓食臣子各身謀不盡山河恨無端鳥雀愁居官事田宅吾
道尚交遊狗鼠呼羣盜山東未足憂

叔父遭家難天王輟視朝百年苗裔盡千里闕廷遙明德贍神禹遺
風溯帝堯猶然荆棘裏鹽鼎問誰調

殺氣今方盛遺疽二十春白頭仍作賊赤地竟飛塵陣上誰橫槊營
中但脫巾豈無虎頭將恩澤已沾身

羽書邊塞急朝議豈除戎且戰玄黃血母言大小東諸公咸曰聖當

事或予雄殿上猶矛戟空歌沛國風不及南來雁春深識故鄉菊蘭因我傲琴鶴笑人忙森殿披蓑笠泥

途負鷓鴣遭時不相直顛倒恨何長宰相安危繫由來用讀書甘泉烽火亟宣室鬼神疎時福藩報聞天子悲慟執政有

氣數使然之說直道今難宥或未如犯言不赦之句聖明方肆赦何惜齒牙餘

遇合因時命交遊有弟兄幽巖堪賜隱奇石便題名長孺官階薄相如遊宦輕且吾從所好不敢望承明

感懷又續前韻四首西北流離于相逢大道中關山泣夜雨戎馬動秋風鬼語松楸變人

形溝壑同何時歸鄉井談笑即田功人言神廟在四十有八年聖德占遐曆皇恩沐普天漢朝推文景周

室頌成宣貽厥今為烈柔情昔匪牽交道從來異人情自古難生平想季札意氣感任安月隱柴門靜秋

深石貌寒孤貞甘自守憔悴聽微官單于應悔禍稽首自來朝地復三韓舊威行萬里遙日邦還戴舜天

外共遵堯異類何分種群將錦瑟調

幽懷十五首

落日

落日歸山去山中別有天
深林隔疎影紫蓋下晴川
靜處誰牽拂危
途暫息綠明朝復東望曙色入高軒

皓月

洗濯新秋鏡團團上桂枝
影垂龍燭避光落夜珠疑
隔浦分平照高樓結遠思
良宵如可再危魄藉扶持

閒雲

斷續隨風勢虛空任往還
水清知影淡天曠覺身閒
出岫心無競歸巖性自頑
卿雲方爛熳疎懶共箕山

疎雨

誰家弄珠玉點點落風前
高潔幽人致瀟疎物外緣
尋香花徑軟著

葉竹聲妍最是關情處
輕寒不破煙

積雪

羣陰方用事雪影亂朝曦
溪谷爲窟宅風霜藉護持
飢寒鳥食粒慘淡月經枝
共是蒼天澤融和及爾時

清風

清韻發天籟悠然感我心
吹香花入座掃徑月歸林
自得靜中趣別來天外音
雌雄誰復辯俗客莫披襟

空谷

藤蘿依谷口踪跡隱塵喧
虛靜雲穿室幽竒鳥漏言
人行採藥處花落避秦村
欲向山靈乞終朝好杜門

嶮巖

龍門開鑿後，削石亦成林。一片語不盡，孤峯留到今。嶮崎文士骨，寂寞道人。心縱有燕然，勒人工不敢侵。

長林

長條森百尺，入徑便成秋。得地雲偏護，參天日上浮。不才全性命，孤骨託山邱。此意誰人見，蕭然麋鹿遊。

石潭

蕭：紅葉下倒影，入寒潭。體靜綠知足，辭餘性不貪。殘星懸石雷，秋潦映晴嵐。此處風波少，無人肯駐驂。

石梁

迷津窮寶筏，復此綴天門。室迥圖書在，崖深虎豹蹲。掩關鳴騎少，策杖古藤樊。千載誰人到，芒屨破月痕。

飛瀑

似向山巔上，傾將三峽泉。惡聞人語近，散作落星懸。足練斜分嶺，長虹倒注川。神功不可說，晴雨自年。

歌橋

畫出輞川路，分明雲水間。山花誰解語，溪石自投閒。龍卧秦波冷，銅高漢柱刪。猶聽野渡處，圻折水潺湲。

鳴鳥

錦城春信至，小鳥亦乘時。喚起人窺鏡，啼殘月上枝。泥香歸燕晚，風

細落花遲遂結同心侶雙柑往聽鷓

風帆

帆影空中盡舟行復幾灣水聲瀕洞出客意嘯歌閒
急箭浮奔浪輕雲過遠山天涯多少目凝望難爲顏

同錫九弟夜坐聽雨

急難予與汝悲歡處同共驚殘月白方怪晚霞紅
天意不終絕吾儕敢自功相看喜不寐把臂坐宵中

青陽咏四首

已畏出門苦偏逢行路難啣杯思壯士歎枕泣狂瀾
月到重雲漏風生落日寒明朝還有雨何處避驚湍

飄泊孤江上真如蜀道難片山迷借羽一葉怯乘瀾
壁戟波濤險鷓浮天地寒古來當此日應爾共奔湍
百年期未盡五日約先寒慘澹風前燭蒼茫雨後瀾
漢高歌自壯秦政緒猶寬暫爾汀前宿驚心歸夢難

前村歸路近至夜轉生疑雨積苔侵岸風高鳥避枝
逢喧驚石隘聽水覺舟移假寐不成寢憑添千載思

儉齋夜集

古樹森千尺高人坐其陰清風振玉屑寒月照冰心
舉網烹鱗細疏泉汲井深相看不厭冷蟲語避前林

除夕二首

送臘千門靜，平看野色蒼。竹枝籠曉日，梅影帶餘霜。漏盡人行急，鳥啼客思忙。唯看小兒女，乘夜理衣裳。
新故一朝變，因之感世情。竹聲喧四野，愁思滿空羸。日暮風霾急，林寒鳥雀爭。私心問天地，何以慰農耕。

咏雪

虛空淨如練，瀉影無昏晨。風際全霏玉，烟村半吐銀。望移雲樹合，色映嶺梅新。世界方蕭索，因君不患貧。

喜僧朗母舅自北歸，又逢南別，悵然傷懷，為訂後期。
忽覩雲中旆，旋從雪後歸。寒梅客路瘦，絲柳故園肥。霜跡人行月，春情蝶舞衣。相期良晤晚，惜別更依依。

送內弟歸四明

不是悲遷客，頻賦夢歸全。牛初試穎，千跬不知肥。落日隨征旆，春雲綴綵衣。憑君聊問訊，花鳥幾相依。

即事

已覺癡成癖，於今嬾更真。梅花供坐隱，山鹿拂行塵。冠蓋誰家子，田園幾度人。長歌娛永日，天地賜吾貧。

婺州道上

獨恨春光裏，年：此路中飛泉，爭石罅。峯嶺倚雲宮，綠嫩初酣雨。紅殘故舞風，予還知曷日，辛苦話無窮。



正氣堂集卷六終

忠介公正氣堂集卷七

七言律

九日有感



此日登高興已違故人相見學忘機東籬秋老歸黃菊北闕恩深賜

白衣孤雁帶聲還舊里輕風吹葉到寒扉莫辭潦倒尊前酒坐看楓

林醉夕暉

閒居二首



百年強半事浮名唯有山川不敢盟野色留將太古意谿雲涵却四
時情鳧衝急浪身偏穩鳥宿寒枝夜自驚世態安危了無定啣杯且
學放歌行



世路悠：雲雨翻難將肝膽向平原避時好學東山卧結客空勞北
海樽九畹芳蘭思公子小山叢桂戀王孫招：我友今誰是羅月松
風自杜門。

初第自京師贈內

念爾離居尚食貧知余已醉洛陽春深閨正卜金錢喜御苑初看楊
柳新一枕鷄聲殘夢繞半簾紅雨落花頻樓頭爲有長相憶不遣羅
敷問姓秦

和梁醴臺風起閣夜卧四首

虛閣濃雲蓋柳絲滿天膏雨漲陂池波光耀彩骨皆繡栢影凝寒鑑
不私萬井波熬歸渾素三吳澤漫起哀疲聖朝若問東南苦移甌明

光正雨時

方塘幽草積低窪風起輕寒拂絳紗圖繪窮巖原有筆鼓吹詩思不
須蛙鶯啼密樹依高韻鳳吐清亂息衆諱御史風流誰得似漢庭班
馬舊名家

暫憇風亭夜正涼重雲漏處月穿床阿那柳亦能起舞蚪蚪蟲知學
報章溢地球璣傳樂府瞻天星斗近慈航新詩刻劄留池館墨妙千
年護草塘

牽帷到處俯窮幽玉液波從天外流小閣風雲知永護明廷鐘鼓只
今酬端居數上長沙策假寐猶防卧榻勦一自衾衣歸去後東方陰
雨不勝憂

題王峯署并序

余署王峯雖數月事而憂患甚多感庭樹之依人嘆浮生之無
幾徘徊堂宇有扁額曰桂栢即取雙樹為名蓋前令王公所題
識而今已邈乎邈乎避矣感而賦詩便欲篆刻附綴其旁庶幾後之
視今猶今之視昔云

庭間雙樹影婆娑冷眼烏紗看最多銅幹忝天風雨勢玉梁移署鬼
神呵一枝楊柳當年愛千樹玄都去後歌題識舊存人死在武陵流
水昔經過

舟行苦熱二首

鹿麋塵寰暄復涼我：袍帶為誰忙一函冰雪難消暑六月號呼不
降霜自是人間思宋玉只愁天上寵張湯息陰我有深山在便署山
中南面王
平沙明月照人顏遊子勞：思杜關苦畏炎蒸逢熟客却尋清冷怕
冰山玉堦珂佩一時盡石室茶鐺到處閒敢謂神仙真可得願留清
醒在人間

霞舟吳夫子以夏日過婁先蒙題贈次韻二首

雉城三載繫思深乍覲猶龍喜不禁文麗日星光燦爛靈分恒嶽氣
蕭森著書不改玄亭樂戀闕長懷國士心事業相期吾黨在清風千
古自於今

仙鷁遙傳到水濱又逢多難日紛紜未芟庭草尋初服為賦流鴻愧

忠介公文集 卷七 三
昔聞札賜十行局外得目區千品鏡中分空齋索寞無佳處杖履經
過是吉雲

煮粥詩四首

流移東下盡如林昔歲非祲亦告祲升斗總歸仁者粟馥舖已飫野
人心自天恩詔群爲哺好我和聲鶴在陰安得四郊無餓茅庭餘仿
佛古鳴琴

麥秋無信盼空林遍地行糜補歲祲試將鴛鴦可憐狀提醒膏粱未
饜心羊御杯羹殘宋社王孫一飯報淮陰方舟共濟人稽首賴我羣
賢友瑟琴

長上門前骨似林於今難繪遍災祲誰令爲此臣知罪何以禳之單
厥心回頭企踵望煙火扶老携兒息樹陰寄語羣黎暫飽德即看絃
急更調琴

春雨瀟瀟遍樹林溝中羸瘠不知祲無聲器鉢瞿曇術因漏鎗鉢桑
孔心里肉分均懸卜宰庭槐種就憇成陰諸君自試青州烈匪爲侯
門辱鼓琴

哭張天如先生次原達韻十首

先生一去衆芳蕪白日荒涼鬼魅徒浩氣一時還太始文章千古識
真儒亦知草露功名假只嘆芝焚善類孤天道報施今若此拚燒筆
硯事耕屠

此地津梁頃刻蕪夜臺何處與誰徒鯨騎采石歌豪士鵬止長沙泣

大儒星漢斜傾一柱朽秦華崩剝衆峰孤嗟余未死將安仰叫破蒼
天痛若屠

篋中遺稿未荒蕪取次編摹尚有徒小水遷流爭學海衆家息咏盡
宗儒標題萬卷百城重接引千金兩月孤身後周旋吾黨事莫令非
類恣相屠

滿目蕭：遍地蕪相逢嗚咽舊生徒天人直接西京對氣節羞稱東
漢儒流水洋：雅引絕廣陵寂：夜聲孤百年誰嗣歌黃鳥携手名
流入釣屠

往日風流墜地蕪漫：長夜豈無徒玄文四百將興漢高弟三千不
病儒鄴架遺書手澤香平原舊客履聲孤無情天地多翻覆梟鳥高

翔鸞鳳屠

力闢文壇剪蔓蕪昌黎後起聖人徒應知慧業多成佛悟出前生是
宿儒車馬悲號千里至人琴寂寞一庭孤風霜早晚能爲賊便縛羣
魔手自屠

啼鴉將鳴秋草蕪一朝函丈棄生徒石碑初立鴻門學木鐸重明虎
觀儒少府風流樽酒散竹林淒切笛聲孤悲歌山木吾儕恨亦有長
號罷市屠

弓劍蕭條野草蕪生前未了屬吾徒珠沉碧碎千秋價霧鎖雲埋一
代儒鶴返遼東鶴夢杳鳳歸丹穴鳳臺孤天涯涕淚思何極將恐中
原人類屠

四郊多難遍荒蕪夢想經綸志不徒沛上酒酣思猛士長安米貴飽
侏儒塵埋玉樹黃泉恨霜落金英秋夜孤長吉賦成天上侶何煩稽
首向浮屠
千尺喬松豈遂蕪崩鱗落甲草爲徒逢人岸憤忘機友急病纓冠救
世儒燕羽差池歸路隔鴈聲嘹啞楚天孤人生早晚悲同盡學就屠
龍何處屠

飛蝗二首

三旬涸澤遍焦枯浪說今年歲在吳野哭萬家驚赤羽軸空千室想
青蚨莪冠噉盡民間血羽翼偏逃上帝誅臣罪已知應避位莫令他
日嘆鴉鵂

晴空飽食恣遊盤結隊斜陽羅網寬竊粟豈惟桑扈慣張牙不畏隼
鷹看飛：影落蒹葭亂處：聲來禾黍殘猶有天平寧縱汝莫邀朋
類慶彈冠

送僧朗母舅歸四明次原達韻三首

仲尼猶自嘆歸與况我孤羈三載餘那得便乘一葉艇只因不上萬
言書新豐酒熟邀知己曲徑花迎識舊閭數日秋風鄉國近寄吹清
夢到前渠

匆：行色早歸與倚馬躊躇話別餘此去好尋三尺劍將來莫讀五
車書到江山色迎秋思隔岸籬烟夢故閭宛在伊人天際想布帆應
已過長渠

渭陽惜別意何與惆悵今宵玩月餘浩蕩水光涵几席蕭條山色亂
琴書相期斗酒看新築預遣伊威出敝閣我亦歸來早晚事好留明
月待秋渠

送爾敬表弟歸四明二首

江流倒映數峯青江上歸帆未肯停倦聽夕陽蟬噪樹貪看前路鳥
窺汀憐予夙夜勤三事知子聲名在六經他日絲綸歸世掌頻將筆
土拭青萍

深處舟行夾岸青榜人倚棹看雲停竹竿箇箇添疎影菱葉翻翻亂
遠汀此地饑荒不忍說故鄉風物幾時經浮生何處堪回首把酒長
吁問綠萍

買得新妾

昨夜銀河理素粧庭前堆落膩雲香青枝飄拂垂楊柳紅暈迷離睡
海棠人倚玉簫從夢得詞歌赤鳳踏情長浮心未定渾難繫又引無
明到醉鄉

八日渡江

金山突兀俯中流遠水遙岑掌上浮無限吏情歸泡影不勝愁思載
扁舟傾天雪浪看奔馬震地雄聲聽鬪牛疊疊雲帆空際出滿江烟
色畫中收

憑欄空濶說曾愁浩淼乾坤眼際收樹上新聲懷過客汀前古月照
行舟鬱蔥曠代高陵寢躑躅誰家牧馬牛聞說滄桑昨日事幾年此

忠介公文集 卷七
地亦山丘

別來江水渾無恙，載盡名航人白頭。
幾處麒麟留石塚，且隨鷗鷺狎汀洲。
二山好峙東南鎖，一水何分清濁流。
我欲閉關高謝客，入林苔蘚自成秋。

錫九五弟之武林省試於其行也詩以勉之

江城百尺畫圖開，中有仙人鼓棹來。
筆挾蛟龍走山岳，字飛珠玉下樓臺。
室無斗粟嗟予吏，家有千金屬爾才。
天外桂香今折得，遲看湖月共徘徊。

秋日與王原達話別於虎丘寺

解組歸來腰帶寬，與君酌酒且盤桓。
露溥野草蟬聲結，雲卧荒邱鶴澗寒。
火宅息緣逢法雨，狂流吹沫見澄瀾。
生公脫履今西去，留得憨泉冷澗看。

寄贈王原達代

南國衣冠夙擅名，如君丰度幾回傾。
慧光湛了西來案，寶笈雄專南面城。
秋水芙蓉增別恨，楚天蘭蕙想芳盟。
相期蒲屐今猶古，珍重婁江伐木聲。

咏雪和應宗海韻三首

一片瓊瑤下碧空，人行如在劍光中。
小園茁茁梅枝綠，古寺淒淒佛火紅。
飢鳥凍林食玉粒，野人寒棹想樵風。
素安高卧深山冷，笑說羊裘退自公。

虛閣登臨一望空千峯都在畫圖中質同絲縞能移黑片入爐錘欲
點紅野棹孤吟開夜色竹枝低舞待春風莫愁積素今如許會祝豐
年雨我公

凍雲霏雪漾晴空似落瓊花萬樹中巧與貧兒虛映白墜來華屋影
翻紅整斜有態疑秋雁汙潔無心聽曉風日晁欲消藏不得却留詩
句問天公

詠鶴

獨立看雲意自癡迴風刷羽弄清姿一聲嘹唳聞鐘後空影翩躚入
夢時傾市無雙悲和寡聞天有唳畏人知長鳴萬里家何在白水青
山向往之

讀鄭所南心史詩有序

士君子不可一日遭心史之事而不可一日不存心史之心此
心之失則人而禽矣中國而夷狄矣白日而昏夜矣文字召妖
口舌戰血矣金鑠而石穿矣此心之存則人而天矣仙矣佛矣
一日而千古矣詩文而史矣亦經矣亦圖籙矣皆并爲名山之
藏石匣有甲子之護矣心之重於人也如是今聖天子在上政
教翔洽士大夫皆崇尚節義歲戊寅而鄭所南先生心史見於
承天寺井中撫軍張公梓以行世海內見先生之史者無不知
先生之心矣然此心非獨先生有也余以暇日偶覽斯編成詩
十律豈敢附吟咏之末亦以性情所鍾不能自絕世有覽者得

位置希聲於行道乞人足矣

臣虜衣冠狗彘徒多情野草志吞古
叫呼日月狂偏甚痛哭英雄淚
欲枯四海無王還戴宋一腔熱血肯為奴
緘題德祐年間事鐵匣泥封永不渝

崖山舟覆已無徒四面江河盡屬
井火沈劉烟欲斷隰岑思美望
終枯衰年殘夢依吾主冷眼狂歌罵逆奴
鏐：霜鋒出井底心光血字豈容渝

殷戈猶未倒前徒向日鷄行遍拜
金策賜秦天尚醉銅人遷鄴水
為枯獻符盡是稱功德却帝何人罵婢奴
獨有誓詞延萬劫石風金火不能渝

共向新亭憶舊徒義師何日起平
魂號故國血應碧淚洒西風鬢
欲枯有恨離騷託湘水無情錦句覓奚奴
大仇未報君恩重片石山靈誓不渝

時事知非夢亦徒年來每飯不忘
十三門裏秋聲冷百二關中王
氣枯欲逐龍輿歸帝子願清虎穴走凶奴
子山饒有江南賦吟罷淒然不忍渝

我亦行吟澤畔徒可能三戶兆亡
啣泥小燕爭歸暖戢翼寒蟬獨
集枯筆續春秋書黜楚匣開風雨勢驅奴
但留一點英靈在桂月松濤共不渝

被髮伊川非我徒百年天運竟歸
西山採蕨歌猶壯東魯悲麟筆

幾枯識擬河清生聖主印懸侯爵待人奴皇天不鑒孤臣苦兩鬢秋
風歲月渝

燕市長吟豈酒徒筑聲欲借抵強動人鐘鼓書猶在沸地笙歌骨
已枯三輔道傍爭待漢隴西門下恥降奴烹魚誰是同心者舊苑芝
蘭應未渝

嘯呼山澤與誰徒短髮蕭蕭愧曼初錦里湖光風霧慘帝城月色管
絃枯銅駝荆棘先悲汝蟋蟀平章不鬪奴坐使腥風汚草木忍看龍
劍匣中渝

未忍烟波作釣徒獨携一劍寶風胡馬嵬道上春雲暗凝碧池邊秋
草枯七日申胥能復楚三年文種乞為奴英雄自有陰符策不信夢

夢天意渝

輓王原達尊公

共說泉臺路渺漫騎鯨人去不辭難諸君未識酒中趣此老已成鼎
內丹仙闕琅玕運唱和帝鄉鸞鶴共盤桓崩雲洩雨來何驟為送王
喬下玉棺

思親十咏并序

時維九月寒飈聿起木葉漸脫錢子將之瑞安省親行乎險厄
之處山峻高以結陰泉洄流而增冽時或嚴霜戒旦征馬長吁
披荆榛而得路排沙石而下灘時或落日蔽暉烟光凝暮望孤
村以戾止解征衣而爰息山來拱几戶直妨眉天慘慘而愁雲

四起鳥淒：而哀音百結况復行：兮若陟天關山：兮如橫
地軸步騎相持絙索相引於斯時也行人喟而嘆息僕夫慨其
流涕况我遊子能不傷心雖澗花幽草郁：巖畔之間怪石奇
松矗：崗巒之上天台現其前鴈蕩擬其側明發有懷未遑遠
盼心之思矣維其棘矣縱尋書採藥不如瞻嶺上之雲合怨鶴
驚猿盡寫入中郎之捺杼茲苑結成詩十章詞不盡情勞歌其
事維作者之多哀響真覽者之有怨辭

萬疊青山鎖白雲排空度脊鳥爲群霧迷古岫疑天斷樹遠寒烟障
不分策馬計程何日到迎風長叫幾回聞獨憐白髮雙親眼引睇前
途又夕曛

南山有鳥北山飛向日投羅相背違天各一方羽翮短心懸兩地夢
魂歸聲：絡緯啼秋夜燦：星河映客扉此夕欲眠猶未穩誰將消
息報慈闈

截業高峯萬態齊半臨危壑半臨蹊平陵絕磴人如鳥遙指雄關天
可梯紅葉班：爲我舞清流滴：爲兒啼宦遊五載真相憶望到桐
巖倍覺迷

峭壁幽巖仙所都借君仙術引修途莫言鞭石神爲幻浪說移山公
是愚驛路酒帘風送語閒亭茶館佛當爐誰憐遊子非飢渴祇爲思
親貌日癯

行盡山程復有山苔紋蘚跡共躋攀鳴泉百道聲：咽飛鳥千羣曲

忠介公文集 卷七
曲還無限歡情翻別恨不勝歸夢繞慈顏登高絕處頻回首父曰猶
來望正殷

岫嶺峯堯勢尚賒秋風颯：夕陽斜鳴禽喚侶將巢樹野老呼兒共
宿家謝令仙遊曾著屐張騫星使獨乘槎何如膝下雙稽首石上生
枝鐵上花

昔時一步一相依今日那堪五載違喜度曉鐘山逕遠愁看落日夜
光微思同石蘚年：積淚結霜花片：飛駒隙易過樂事少膝前能
得幾牽衣

赤城遙望瑞烟霏不為尋遊度翠微澗口幽禽時戲舞洞中琪樹自
芳菲平探諸弟情休戚細看雙親面瘦肥所謂神仙宛在此石梁金

闕更光輝

街頭每：混樵夫竟日逢君話故吾名圃有綠樓野鶴嶂山無計下
飛鳧題花字竹多名姓立石排松作畫圖忽憶老親凝望處悲風千
里到城隅

四面危巒線路開籃輿折：躡雲來浮觀渾漭天三尺下視滄溟水
一杯怪石巉巖亂幽徑虬枝繚繞拂蒼苔不須瞻望空回首此日山
行亦壯哉

月夜遊江心寺寄弔文信國先生三首

梵塔崔嵬江上浮月明今夜度扁舟祠前星斗靈光燦地下山河鬼
語愁墨浪千層鏗畫壁心旌一片射潮流登樓重憶蘆花句檻外風

聲陣：秋

登高極目倚闌干，落日秋風江上寒。
金鐵縱橫古邊徼，荆榛淒淒斷舊
長安。繪圖鬚戟絲，戰浣濯心苗亦。
丹夢揖先生，談往事，疎星零
落照沈瀾。

正氣歌詞讀未殘，愁雲慘月到江干。
秦庭泣雨難存楚，博浪椎車未
報韓。青草可能消碧血，驪塵何處到黃冠。
祇今唯有濤聲壯，夜：飛
懸古殿寒。

壽妙丈邵希文四句初度

柳沐雲臺四十秋，定看名籍注金甌。
前身故是李供奉，現世重來馬
少遊。光映玉壺清湛，影搖天漢氣浮。
閉關別有長生術，永向雲

蹊號醉侯

和聞警紀吟十首

黃沙日暮結層陰，鼓角城頭殺氣深。
玄女下符神廟畧，蒼頭授鉞剪
戎心。西風颯：秋原恨野草芊，獵騎侵為問北平飛將，在單于臺
畔幾登臨。

邊牆是處鞏枚，千丈提封穴蟻開。
正擬十年吳作沼，豈期三輔骨
成堆。采薇戍士拚生去，射籍古
鬼送死來。不爾聖明方盱食，古來豈
少濟川才。

諸道援兵擁壘高，道遙河上戲旌旄。
秋風鈴柝征書急，夜雨關山歸
夢勞。不慮甘泉畫烽火，却憂戎幕起波濤。
年來頗牧無長策，辜負明

遷十萬袍

二十年來未削平尚方屢賜卜師貞江南芻藁歸軍市直北車書半
虜營悄：旌旗摩虎穴送：劍履壯燕京不堪嫠婦方愁絕中夜哀
吟雜雨聲

詔下淄青爲解衣萬方多難賦山薇未知白綬誰占勝會看蒼雲正
合圍金甲雨拋麟閣冷南弓風勁雉膏肥何人敢死摧驕虜橫吹軍
前聽凱歸

玉筍參：繞殿坡延英奏對幾揮戈紙爲人馬聞聲疾沙作資糧食
氣多孤注且難安寇準千金容易老廉頗普天剩有同仇恨綴緝殘
旗夜渡河

秋風畫角起邊愁兩度征人見火流塞外鯨鯢稽授首朝中牛李競
持籌賦詩浪得千金價主爵虛懸萬戶侯祇有陳平奇策在防邊早
爲築蘆溝

猶有人乎願執鞭方剛未許北山賢死聲早兆吹商律吉語遙聞慰
細旃繚繞旂幢侵曉發參差劍戟與雲連誓將異類膏齊芥盡洗中
原草木羶

愍念流遺且賜餐聖朝豈肯用申韓鵜鴟濡翼魚將盡蟲蝎凋心木
乃殘西北已無樊圃限東南猶恃敵樓完於今不蚤更絃轍恐使他
年笑蝨官

西郊戎馬餉師勤涕淚憂時到夜分吐胃更生終鼠輩我冠能鬪亦

鷄群勝場別擬嶠函壘觀壁誰雄鉅鹿軍無限低徊不忍道九疑湘
水亂烟雲

重遊招寶山

不到寶山幾十載重披苔蘚度雲關連天戈戟剝星落橫海樓船射
日還梵閣平添新琢句石碑荒卧舊書顏老僧笑問客何處帶得風
霜滿面頰

賀林令內召 諱冲霄

民生何處不瘡痍金虎縱橫盡鹿麋獨向吾鄉稱鄭母更於今日字
任兒飄飄履鳥歸蘭省沐浴身名到鳳池最是窮簷驚又喜玉樓飛
下御書時

與倪伯屏話別

少頃為歡乍別離燭花頻剪莫嫌遲君鬚笑撚手中雪我髮愁添鏡
裏絲鑿石况心天地老唾肝能語鬼神知不堪今夜屋梁月又結他
年萬種思



忠介公文集

卷七

十六

忠介公正氣堂集卷七終



